

笏

庵

詩

吳氏一家稿

笏庵詩十九

錢塘

吳清鵬

程九

已酉

答友二首

七年初記到淮東，亂後猶餘戰火紅。
有客沾衣歌水調，要余綽板唱蘇公。
坐深歲月今逾晚，散盡朋知昨又空。
尚賴新篇與投贈，只慙和曲未能工。

也覺門閒可設羅，病居不出一維摩。
空階得雨惟生草，靜院因風自響柯。
地僻客過宜已少，家貧僕應本無多。
要君知我爲羈旅，莫說曾經侍玉坡。

陶甘評集同人於小西園效東坡爲展重陽之
會詩用淵明已酉九月九日韻以甘評爲靖節
後今歲又值已酉也余不能赴仍作詩一首

抱疾久邗上一二惟素交已不復外出坐歎顏鬢凋側
聞小西園跡並柴桑高咫尺闕余步邈若隔漢霄朔風
厲霜節引望徒悵勞獨撫理瑤曲自傷聲帶焦時菊委
欲盡一杯起酌陶忽忽義熙年千載猶暮朝

又讀東坡和陶詩復作一首

淵明頗憂世時值晉宋交迫此大運徂爲感萬化凋後
人未必解聊復慕其高東坡獨何者盼澤沛九霄竄謫

蠻荒地與習僭人勞止天私雨露不潤此土焦未免出
怨刺作詩強自陶我生自無此良可樂朝朝

和雪舫

雪舫三十時曾寫讀史圖少年多感激古事足悲吁攬
鏡掩涕泣拔劍起躊躇正不免此耳果是爲誰與壯志
今衰歇耄學猶力劬殘缸耿清夜獨室閉空廬尙欲借
鑿戒恨不加誅鋤我獨謂雪舫與子二老俱此身甚渺
小萬世猶須臾慨彼一盲者左此亦一腐餘史鬱鬱只
徒抱蒼蒼竟何呼君有退之窮我病鑿齒枯元髮各以
變白日固易徂母代昔人憂且爲今夕娛萬籟靜止息

孤懷湛澄虛滅繁月皎皎卷幔風舒舒

雪舫有和詩復酬之

小鳥志搶枋余何慕南圖雖辭蓬艾間天路遠可吁翼

折不得上徘徊中路躄

本王逸九思

以此自感歎不如賦歸

與故國何遼遠長途苦辛劬揚子遂買宅班生未返廬

稍蕒萌茨翦已盡荒榛鋤且幸此邦人無猜與偶俱視

我若小國託附魯顛叟鷓巢而醜飲知足不願餘丞相

頗許我隔屋容歌呼譖人獨何者我豈計菀枯所愧東

山志

安石靈運皆有東山

不能駕言徂辱蒙吾子愛斯文得自娛

自當學淮海與共游太虛

雪舫時葺秦淮海集

何必效東坡尙欲

懲荆舒

足疾累月親朋多以書來問

南方地卑恒苦溼未信北方有濕疾五月梅霖少鬱蒸
三秋茅瘴更斷絕謂宜腰脚健可恃豈料浸淫潛入髓
老妻頗笑哀駘佗四海多憂習鑿齒書來意厚不可酬
問余此疾何時瘳書中還寄仙人杖謂言飲此可不憂
我手能書筆如帚我口能飲杯作斗零丁予莫愁渠
本不人間誇疾走

周藕香

琛

女史絲繡圖梁芷鄰中丞家藏物也

采芝圖

四皓志不仕商山逃漢時一歌紫芝曲永絕高祖辭焉
有太子書輕易可致之潛匿寄客舍隱忍甘屈卑我頗
疑此事出自留侯爲當時有僞託深祕故難知不然綺
角輩正亦可笑嗤未聞首陽客志不終采薇復因成王
出欲安孺子危寄語采芝人勿辱此繡絲

黃梅花二首

小西園第二集和韻

一枝瘦淡自徬徬冰雪都無幹葉青姑射寒深更道服
壽陽粧早帶官鈴粘房蜂子初開翅破殼鷺雛未長翎
爲愛晚來貪冷看幾回簾不下東丁

梅中汝亦鬪娉娉

借押傳字

花好何時結子青妙相曇雲俄

現鉢淒懷酸雨欲淋鈴山椽葉厚張犀甲天竹枝斜側
鳳翎配與銅瓶好清供免教孤立怨零丁

又戲作簡同人

憐余亦自大鈴竚俗傳面瘦肌黃眼不青貧到花還懸

似磬小宜詩只說如鈴朦朧欲下昏蟾足歷亂爭翻凍
雀翎正值後園開滿樹也遭抱看惱添丁

同人索再作一首

秦隴猶遲遠使傳說文傳使也天寒獨倚伴冬青水仙借與

香傾盞金盞銀臺水仙花名秋菊分將色鑄鈴梔子同心憐小結

鷺兒花名有暈愛圓翎瘦容只好呈黃佛酸意休教惹白

丁

釀雪得五律

小西園
三集

是集余詩後出同人或疑爲不作余曰亦只做得
欲雪待雪詩耳後一日始成

天意尙無雪人情只自疑暖催初有信凍合又經時
窸裏花應覺缸頭酒獨知吾詩聚蜂蜜采掇亦遲遲

題邊頤公畫蘆鴈用東坡題畫鴈詩韻二首

小西

園四
集

東坡論畫鴈要看意未改雖無人見存猶尙有鴈態未
若此幅妙目并無鴈在

坡詩用海人狎鷗意
余詩本庖丁解牛說

朔風吹邊

來雪雲互錯
瑾萬里正蕭條
四壁忽破碎
眞恐遂飛去
焉能溷人海

江淮多澤國
蘆花素秋潔
霜冬漸搖落
離披倒根節
羣鴈時來下
洲渚亂鳧鴨
邊老本淮人
筆落走雪雲
寫此荒冷意
飛者如叫月
亦有寒叢棲
宿者如避雪

畫家多寫蘆鴈
余謂不若東坡
竹外桃花一篇
詩意復和鴨字
韻一首

篋中有匹絹
白若東溪潔
安得起此老
放筆爲幹節
要寫竹外枝
中有春江鴨
略添遠水明
已止微雨雪
蘆芽正短短
小隊眠灘月
江風時欲來
吹起一羣雪

琴甫甥與樽兒有咏金橘詩效余用東坡畫鴈

詩韻以難於鴨雪二字請余亦作二首

金橘實子晚青黃色屢改垂垂枝葉間生小最多態翦
摘及時鮮風味別有在筐筥託嘉薦意重瑤與璫橙橘
只粗俗榛栗徒細碎誰能惠百顆遠致到淮海

故園有佳樹歲熟最芳潔兒時競采嘗筐梯鬧霜節誤
落金彈丸驚起滿池鴨一笑尙可記流光感電雪旅食
使我嘆見此小黃月姑取點清茗微香動甌雪

和友人冬日郊游二首

爲愛看山冷倚筇卻尋過澗遠聞鐘亂流送日將趨晚

老樹留風獨耐冬
急急自歸雙鳥去
閒閒不見一僧逢
誰知天地荒寒裏
已有花交柳疊重

凍甲難抽未翦畦
潛鱗怯上罷罾溪
傍山枯草根猶在
貼水寒禽羽不齊
歉歲人家半零落
殘年野景益淒迷
勸君莫太貪荒寂
此意無人伴共攜

庚戌

菴仲移居城南自顏其室曰借輝軒意取山谷
巖社湖中一明月淮南草木借光輝句蓋以自
嘲也有詩索和值余亦有可笑事次韻答之

春風昨已過社日
燕來定巢占向吉
感我年年作旅人

也教辛苦營家室萬事從來有錯料趙堯小吏原刀筆
嫦娥亦解妬蛾眉廣寒不許容吳質驪姬巧訴譖申生
歸妹睽孤愁帝乙今君何處還借輝卻誦黃詩爲我述
我想此老本善謔刺句偏工出冷逸如今老蚌亦可憐
淚盡珠枯乾不溢

黃詩明月句卽謂
珠蚌蓋以潮時也

楊雪門刻竹庵

君爲安定舊門生四十年來感我情故宅曾尋昭武第
雪門爲昭武將軍
後宅在三元巷寓公又住廣陵城每懷夙契前因在
近報幽棲小築成尙擬題詩同刻竹可堪衰病不能行

袁仲招同人爲虹橋修禊之會集蘭亭字取平

韻可足四韻者成五律十首內侵韻未用余爲
補之又重支韻一首凡得十二首

山陰

菜仲山
陰人

有樂事豈異昔時賢一攬羣流集同觀大

化遷不知風在帶已悟水爲絃今古可齊視無然感歲
年

昔在永和歲亦同懷惠時斯人樂誕放於事可嗟悲盛
世初無感諸賢得自爲林亭雖未至引興與之期

不是有後世古人悲豈知歲今將在丑

庚戌去癸丑
中只隔二年

昔此爲隋

隋隨
通

曲曲春流外陰陰暮竹時稽山與稽水

慨係亦同之

當年有一老

謂漁洋先生

於此會同人契仰風猶古興懷跡

已陳後賢初未少故事不相因今日可幽敘時哉又暮春

斯游得一快時地足幽清春氣有和抱水流無躁情樂知同喻惠妄自可齊彭豈外人間世將因畢此生

盡日不知倦羣情極所於暮風生以後春水至之初俯聽湍流激仰觀天宇虛夫人能樂此賢者信然與

古人初不死今亦有清游林坐得幽契室觀知靜脩能將春管領猶是昔風流在目已欣遇寄言同所由

年年春有暮年得暮春臨人已知將老天猶及未陰清

時自風日浪跡亦山林悲樂豈無感聽之後視今

向者少年日放情嘗自娛天懷隨在得世感一絲無樂
趣將斯永清言豈或殊形骸今若此亦是可悲夫

不與羣賢會今年又此觴斯人山朗朗清詠水浪浪懷
也因爲極言之故自長同游知未得萬一或相將

一自文觴日流爲老帶風旣遷情亦異每覽事猶同竹
喻懷和暢蘭知品峻崇也當隨列叙及此會之終

曲水豈知詠

顏延之詩

會稽猶未文於今有能事作者信殊

羣一日得無老

周嗣興集
千文事

齊觀咸所欣爲因同興致錄

述亦云云

梅伯言來主梅花書院有詩奉答

落盡梅花盼到遲，尙留芍藥共看時。詩因善謔無妨戲，文到能傳竟孰知。馬隊只堪同一笑，貉邱豈是獨爲悲。梁園當日延賓客，回首鄒枚更有誰。

嘉慶間揚州設唐文館時與校勘之

役者今獨伯言與余在

又簡伯言

伯言以古文自名而詩多許余伯言存文稿甚少余詩近多作故有此簡

君文合可壓折軸，我昨問知怪。且惑當時千篇已，有餘此日一寸翻。不足得失豈不在，自知我亦三十年學詩。於今老去轉多作，日與少年相角馳。韓生好詆荀，揚議毛穎一篇獨。游戲春秋謹嚴老，氏遠何若左莊兩夸肆。

君不見周穆之傳山海經流泛極愛陶淵明此老豈足
好奇者中有羲皇以上情

次韻伯言前在都見寄之作

十年臥疾向淮南一絲老盡如春蠶每記前時報書至
書不盡言詩與談爲約廣陵他日見未知可便還江潭
紅橋白塔證此語年年相待情何堪豈期今年果遇此
江山留席煩君參可惜史公墓下路我病不得同游探
保城花事昨又過幾日風雨愁紅酣一甌獨有可清話
要共試取中濡甘此邦財賦雖凋敝九重潤色恩意
覃勿悲舊日巢痕改且作新燕語呢喃方今人物定誰

數正是我輩夫何慙忽憶當年巷南北鄰接只隔松筠
庵

又用前韻簡伯言

試從江北望江南江上羣山若臥蠶金焦兩點作眸子
只無人可東坡談先生家本秣陵住一水直下趨龍潭
頻年京國定回首白髮老郎何所堪縱教便得把麾出
那更手板事謁參固應昨歲決歸計及此猶得恣搜探
揚州如我乃寄耳豈爲貪戀歌笑酣君來要亦非得已
子雲寂寞清自甘卻道草元何日就半生辛苦精思覃
誰能好事還載酒閉門獨語徒誦誦不如且出共游樂

一洗塵市塵顏慙挂帆直上江天閣歸棹重尋海岳庵

大雪葦塘有詩并送篠雲和作來看

仍用前
翦字韻

雨工不雨作花翦一夜寒深燈暈淺曉來但聽報兒童
沒砌漫階堆壓遍圍梅已放萼破丹只愁折竹損我蘭
老夫意亦欲外出怯冷不敢開門看此時計唯覓句好
無人作伴還空歎君詩正得春先氣不獨工於寫雪地
一篇已是可喜愛况復篇篇特佳異要亦未肯規我失
使我久遲慙不出已難與圖欲讓先不合見推翻過實
方今可數詩幾家如子應分才一石殘年正須尋樂事
好句頻蒙憐朽質更看老篠有和作益使驚嗟爲歎說

七十嬰兒膚肉紅此老神全獨有功
聞道耐寒能夜坐賭句尙與年少同
窗外已深一尺白燈前不怕五更風
也須加意善珍重煩君致語濂溪公

和篠雲

雪消不盡寒翦翦四九未交三九淺
病夫那得便外出直須待過殘冬
遍春山何時鳴竊丹與君鼓柁乘木蘭
陽和倘許蘇肺骨強起或可同游看於今
且復共搜句聊免孤室坐愁歎君看雪
是水之氣昨日漫天堆滿地今朝還復
化水去此境可悟詩無異我欲因之論得失
試卽古人句拈出最愛山冷殊有致

山冷微有雪句

亦思月照

羌無實

明月照積雪句

道中縞帶逐翻車堂上瓊絲絡垂石火

巧還工形似言不雕終讓天然質如君真乃解意表只

我尙未離言說滿爐正燒榑柶紅且來共試煎水功陶
穀一笑我差免周黨清談君可同莫道滿街泥沒路要
說昨夜天止風一條不遠尋門巷絕勝山陰訪戴公

咏雪同用滕字韻

并序

咏雪七律自東坡尖義韻後世傳有呂微之用滕
字句意以雪神滕六故韻有取也棗仲因之更選
仄韻作雪望一篇爲首唱和者篠雲雪舫葦塘并
余題不同韻亦不全和惟滕字爲主韻仍字見於

經子史集詩烝也無戎戎同披一作扔助也老子
攘臂而扔之扔就也張說露布引之又摧折也見
後漢馬援廣成頌伏竄扔輪語又引也明劉誠意
詩青鸞奮振素女扔本之又強牽引也因也義類
既多故亦皆用之余得六首云

雪中旅館書懷

漫漫如霧遮全失側側多風耐莫勝梁苑未游留寄楚
齊宮不館去之滕輕飛一片隨飄旋亂著千絲強引扔
日暮歲闌相坐對旅人孤寂只愁增

梁苑齊宮皆
用惠連雪賦

雪望

樓臺極望浩鮮澄
城郭生寒逼
流凌磴失千盤
山斷蜀場迷
萬井壤連滕
灑空慣點歌尊落
逐豔常隨舞袂扔
想見玉京天上路
羣仙歸踏醉僂燈

和同人小西園賞雪

小西園雪知何似
異景多聞得
未曾霏屑九天清
灑晉成團萬蝶冷
飄滕石蹲素鵲披毛立
枝挂銀猿接臂扔
只惜不教陪宴集
若爲思動忽飛騰

吾家園子小堪稱
一雪能奇亦自矜
梅似新霑恩籠虢
竹都難屈長爭滕
閒呼僕婢隨堆掃
戲看兒童逐攘扔
爲愛階庭多趣致
忍寒時復近闌凭

積雪在庭夜坐忽有思

空庭坐覺夜光凝靜裏思來忽不勝愁阻藍關隔秦隴
苦懷東武出齊滕詳東坡青
州遇雪詩斂眉只欲衝寒過炙手何
由借煖扔豈若蓬門深掩寂更無街屐響登登

答同人

句不能工字可憎漫勞諸老共推稱筆塵莫浣羞郊賀
本東坡
雪詩墨汁空磨笑呂滕詞妙惠連難假借才高道韞
絕攀扔亦知刻畫誠無益辛苦徒教費鏤冰

辛亥

咸豐紀元元日

龍飛二十 聰明主一載恭聞 御政親歲改始元正
朔日身經 全盛四朝人曉融淑氣欣開霽夕灑祥霏
喜先春願祝年豐民樂壽 小臣 原屬舊詞臣

正月二日

老去光陰常愛惜纔過一日便流連關心樂事惟正月
到眼明朝又小年 初三 準擬客來挑菜會 初七 預商家集上
燈筵 三 排頭次第都須記十五元宵月更圓

送萊仲赴眞州卽用其留別韻

眞州憶昔一行歌處處人家帶竹蘿仙掌路游殘月好
屯田詞唱曉風多雪沙堤繞通三堰薊雨樓臨俯四阿

多麗詞卷十九
君去定教題句滿須留鑄石細礪磨

同官誼重爲同寮聞道眞州與子要去此亦知無百里
到時定說不終朝預愁路滑泥衝馬卽恐春寒雪灑貂
是日微有雪王事賢勞留未得苦思折柳少長條

枕上偶成

聽殘漏鼓總無眠落月當窗欲曉天竹影乍移梅影過
鴉聲常動鵲聲先燈前不復愁長夜枕上惟思度百年
奴僕未醒人未起幾回相待漫成篇

聞梅伯言阻雨瓜州

秣陵聞已開帆下却阻瓜州咫尺難山隱奔雷遙隔岸

江吹飛雨急鳴灘託投官驛依崖宿倚仗鄰舟得米餐
我亦廿年南北渡至今猶自怯風湍

連雨

一正少雨未濡枯二月陰雲只亂鋪初覺園林宜草木
卽防門巷動江湖濕沾燕翅低飛重寒澁鶯聲獨囀孤
覽物觀時增坐感何由腰脚起衰扶

野外見杏花

以下八首
和伯言作

昌黎遠謫似長沙嶺海傷春見杏花古寺來看雖自好
瘴鄉流落可勝嗟江南此日情何限郭外相逢興正賒
不用移栽向京國只宜常在野人家

來詩有若移京國
情何限豈獨昌黎

爲歎嗟
之句

前詩非伯言意改之

細雨濛濛側帽斜數枝短短隔籬遮江南久別仙姝色
郭外初逢野舍家正使尙書應不羨何緣京國若爲嗟
知君未有昌黎感流落惟教惜此花

種菜

漠漠春寒積雨昏講堂深寂閉閉門無人載酒從過宅
有地栽蔬擬傍園誰議食單煩弟子自鋤菜甲學王孫
他時分餉如蒙惠滋味猶能說咬根

玉清宮道旁見杏花甚多

會過平山昨見之玉清宮畔待來遲幽尋要覓花多處
薄暝剛逢雨霽時虎守仙家猶許到鶯啼客館莫愁思
明朝重訪應須早怕有殘英雪落吹

聞桃花庵桃花已開

落盡風梅杏雨酣采蘭又過月初三橋邊野水添新渡
牆外桃花放小庵尙記佩壺留夙約

佩壺同過桃花庵
伯言前在都時寄

余句也只難曳杖逐幽探得詩急走煩相報句裏猶能一
悟參

詠月季花

雪中猶見鬪紅芳疑似吳宮不卸粧風裏忽看攢綠刺

却如洛浦自申防
吾園舊種枝枝豔
每歲能開月月常
聞道君家兩株色
昨還新植近階旁

戲答

花下時來抱枕眠
重門不閉每安然
偷兒亦笑留瓊語
乞子何愁肘篋篇
笋置籬間渠自愧
棗從鄰撲我須憐
寄言莫太遮防甚
且放風光共賞前

東園後晚眺

暮春天氣雨初稀
散步東園暝色微
積水空邊花自落
歸雲盡處鳥猶飛
回頭紫陌爭馳鞚
撲面黃塵泥汗衣
爲問清閒能此否
信知今是昨眞非

葉仲復約同人脩禊平山依去歲故事集蘭亭

字賦詩改用七言律余得六首

年年觴詠集羣流又作山陰禊事脩風竹亦隨時俯仰
水蘭每託地清幽極知昔會能興感合及今情得盡游
觀世觀生與觀化信然由已豈人由

此會能同信樂夫相隨未得後于于人生已老期清靜
世事猶春跡有無視帶若流閒領契引觴不盡足欣娛
因言寄與諸賢聽一室游觀亦豈殊

長長歲月隨年永少少林亭得地清已託在陰猶有跡
未遷于化豈無情感今亦或懷嵇向

嵇康向秀嘗同過呂安園述古

終當信老彭又是一春春盡矣春殊不盡自春生

老矣於斯可嘅與暫因相寄樂相於無絃終日游絲靜

不繫同當流大浪虛羣妄未生觀所極至和在抱契其

初自知亦是放言者述向時賢或取諸

以上自述

自在閒游自喻之終然懷抱少人知此生得暫相和樂

與世能同不激隨蘭若有因初地託竹林無跡故山期

今年一會猶云盛亦是絲絲可感時

和蒙仲

倦言諸老無由晤每每懷之以及今萬事未嗟將日暮

一年所感是春陰情人不至水流室大地自悲風在林

會有時和氣清朗快然相得惠然臨

和諸同人

久雨得晴三首

東郊麥苗抽已齊一雨連月愁隴畦春來只是少白日
但見碧浪翻黃泥老農出門行復反牽牛上阪牛沒蹄
今朝一晴色始喜家家踏車放田水

一春花事無消息二月三月苦悽惻纔開已落誰見之
怨白愁紅好顏色園丁日日常閉園眼看飄飛惜不得
今朝一晴免愁歎補籬縛架重支欄

皇天何事不肯住途人嗟怨居人苦低街曲巷水積多
小屋窮檐漏難補老夫一室亦何爲日夜愁聲聽淒楚
今朝一晴眉始舒老妻曬藥兒曝書

史公祠

史公墓葬衣冠處詞客頻來繫所思暮日寒雲低古嶺
梅花翠羽閉空祠巫招定想魂歸在樵采猶能步禁知
忽憶宛虹橋下水當年一姓節還奇

史節母也
有詩刻前

余園黃牡丹

姚花看徧滿城無只有余園一朵殊與世羞爲相公媚
當時亦笑狀元呼

黃牡丹狀元以賦黃牡丹
詩第一得名戴江都縣志

却尋野舍

經過好未禁游人玩賞俱可奈出城三里近傍村不得
杖同扶

聞伯言得家書

自辭白下山圍郭又見邗城草上蕪旅館似聞懷鄂不
家書可爲寄文無江雲渺渺春帆遠屋雨綿綿夜檠孤
一舸若教能共載客愁應免憶長途

謝棻仲惠金粟山房仿古藏經紙乾隆間貢餘
物也卽以所惠紙書之

藏經眞紙世見希今之所稱蓋已非傳聞年將軍當日
征藏時窮入青海搜靡遺殺人但見流白血諸佛示現
悲涕洟此紙遂載入內地傳觀走告咸嗟咨釋迦文字
隱可辨貝多葉色微小差後來始復有改作名曰仿古
實自爲其間佳者稱上品入貢亦附徽宣隨想當山房

出精造晝夜聲動萬杵椎百年舊製近亦少公家所餘
君得之胡不自取供揮灑辱及鄙人可笑嗤寫經已無
逸少手報惠獨有涪翁詩還將君物答君意書罷滿眼
如黑螭

旅館初夏和高小垞孝廉自杭寄示之作

采茶社鼓已鳴雷綠樹成陰夏又回紅芍藥猶當砌放
白蝴蝶自過牆來臥疴不出身雖老引興無端性尙孩
難得故人詩遠寄喜教親爲折緘開

不逐柴桑劉與雷此身留滯未能回門閒只覺常關好
室小惟思淨掃來嬌鳥籠中金屋寵文魚盆內錦綉孩

老人愛惜常加護時取衰顏一笑開

室坐雜興六首用前韻寄小垞

昨夜山中似殷雷灑窗驚雨夢初回曉看但有重陰合
午坐會無一事來覓句正須商媼婢忘書轉欲問兒孩
是生已老宜尋樂那更閒愁不放開

海水天風若鼓雷刺船人去未曾回此聲自妙移情在
有耳誰曾解聽來萬里尋師徒作客一身入道始知孩
十年閉室齋心坐放眼翻教得少開

迅若流波疾電雷堂堂去後豈曾回百年只任凋顏落
一室空支病骨來種藥仙人間吠犬燒丹道士產嬰孩

長生不是吾能學，息養惟當口少開。

沸海潮音隱法雷，萬人膜拜首齊回。試觀不壞誰無壞，待證如來豈有來。三藏傳經馱白馬，百身示相禮紅孩。要知小說無稽甚，盡是華嚴一卷開。

安能兩腋駕風雷，五嶽尋游去不回。一念未教除割盡，萬緣常被擾牽來。浮家范蠡猶攜眷，逃國林回不棄孩。我亦人情生愛戀，紛紛六盤塞還開。

晴空忽起一聲雷，雨止雲收霽又回。天意每多難測處，人情亦復少端來。林間鳩喚姑驅婦，籬角雞呼母領孩。一自閒中觀物化，始知肝膽兩分開。

又和棗仲小西園一首

河小秦淮塘小雷小西園路復紆回籬根水繞雙橋去
屋角山移一塔來落日每逢留榻客趨風自給應門孩
羨君此地清幽甚疑是仙居洞府開

又和雪舫露筋祠一首

此身豈必是南雷節在何曾志少回白舌轉教成潔就
黃昏肯爲遂羞來靈風肅野孤祠宇奇骨撐天一女孩
璧社殘碑今尙在煙埋土蝕好重開

揚州競渡相傳爲弔屈原不知始自何時獨駭
賓王有賦蓋由來久矣李冰署爲譜迎神送神

二曲余作七律一首

廣陵遺事記初唐五月龍舟出戲常揚俗何由憐屈子
楚人初未怨懷王九歌自抱夫君恨一國空看士女狂
獨有蜀岡岡下水來經嗚咽過沈湘

冰署有和作答之

揚州老去日頽唐興感無端每不常錦纜牽堤惜隋帝
銀牀鑿井歎淮王只無弔古靈均淚未作投詩太白狂
自得美人香草句也今蘭芷憶沉湘

南樵亦有和詩既因屈及賈矣因有感於董而
并及汲焉以皆淮揚事也

忽憐漢武效虞唐措置當年盡失常
汲黯出翻治外郡仲舒留但相驕王大儒學豈能爲曲
躡直言多若近狂二子雖無屈賈恨幾令淮水作愁湘

論揚雄以冰署詩亦因屈而及也

弟子文章恥景唐揚雄才調絕超常
大夫只惜官居莽老婦猶悲臘用王
異代偏工反騷怨兩人並許僭經狂
當年若早能身死投閣還應得弔湘

高荷冒池密竹映戶有懷南樵冰署仍用前韻
何必顏般與亥唐樂裘牧仲不尋常
二人自可爲師友一士皆能下帝王
荷出泥淤終不污竹當風笑若爲狂

定知正臥南軒下淨展冰紋八尺湘

古意和南樵兼答冰署

濃笑書空字作唐相思相託願常常有情盡是東家女
不見無如大道王楊柳只令征婦悔荷華爲刺狡童狂
由來古別離中曲何止皇英淚灑湘

吳氏一家稿

笏庵詩
二十

錢塘 吳清鵬 程九

辛亥

默卿宦游六圖

謝公亦有東山志自言作吏洞庭始莫釐峰下采藥回
山中幾不知人世復經觀海到神山一笑秦皇少仙氣
雲臺再上看日出置身不與天門異錫山煎茶又一時
眞州按曲還閒致人生難得好襟抱往游歷歷多堪記
獨惜吳淞防海年戎馬亦是書生事何期此願乃見阻
以知流俗難共計濟狐濡尾誰不疑談虎變色羣所諱

激烈空思赴國先，擠排詎免遭時忌。才大由來不盡用，

世間安得常如意。何當終奏破敵功，

默卿猶擬赴粵西軍營

飄然

便挈游山妓。

默卿有和作答之

作詩亦各自言志，憶昔論交共君始。不辭賭句逐殘年，

獨幸相知有一世。自我多病常少作，君亦稍稍減豪氣。

幾年與闊始莫同，兩地懷思終不異。安石雖出爲蒼生，

靈運思歸有高致。

卽歸東山也

昨來還索我題句，草草爲君

作遊記。觸熱反蒙惠報章，待涼可便商吟事。方今正要

十管才，國家須得百旻計。君身竊恐少閒暇，我輩要自

無拘諱脫畧何妨形共忘縱橫不以才爲忌他時倘補
第七圖要寫邗上論詩意着君與我於其間添箇烹茶
綠珠妓

答默卿論淮南鹽務

病夫不出復何志流寓淮揚十年始此生已是閒散人
所願常過太平世邇來此事亦大敝扶植根株在元氣
人情難得上下和物論偏多彼此異疑逐秦客竟何負
笑召魯生初莫致 朝廷手詔雖報可道路口碑誰勒
記知君常抱小臣憂參畫惟思共濟事而我本屬書生
見補拾何由一進計要使渠成亦國利本未兵敗何戰

諱旁人乃故用謗傷此日猶然積讒忌叔子豈有馱人
心用原詩意廉公尙多用世意笑我惟知家計難冷落門前
如老妓

又答默卿論粵西兵事

我詩但補稗野志君詩多出變雅始亦緣憤感爲悲時
不是怨刺好譏世國家萬事亦皆理獨苦西南纏逆氣
已代將特用李牧不矜功正似馮異連月師聞屢戰勝
卽日賊可生擒致合上中和樂職篇待作 聖武神功
記 陛下還應釋憂抱吾儕只宜尋樂事與子周旋已
有時尙思留住爲今計常見由來杜老願輕別最是坡

公諱酒無家釀且須沽詩雖國禁終不忌

近有劾參疆臣作詩者

詔不罪

十里笙歌尙有情三月煙花猶可意君母便欲笑

揚州名士只多少名妓

與默卿言志

胷中熟得漢十志上自天文厯律始論兵可折馬服君
治水不數王延世指畫河山見衆形旋斡斗杓隨一氣
功名務爲可喜悅談辨已是羣駭異要將一世與更新
力取太平還坐致隆中志願竟不成雲臺勲業定何記
老大人間已此身紛紜世上偏多事說亦無可與之說
計亦不能爲之計天下自有蒼生福凡事且爲賢者諱

賈逵憤氣亦無益杜牧罪言本所忌止水惟堪喻定懷
閒花總不關愁意要賭黃河遠上詞一篇聽唱旗亭妓

送默卿之海州

知君亦正不得志請爲君更言其始少年豈是肯因人
壯歲惟思卽用世賢者要自恥干進丈夫終莫能吐氣
蹉跎動經十載久寂寞始改一官異縑鷹空向九霄仰
繫驥何由千里致正使魏舒點籌策如以士元司簿記
區區豈是能盡才瑣瑣况又堪責事君且往就東海役
我當料理西湖計世局愈新那可測人生惟老不能諱
亦思此來只足笑何至多口還遭忌黃鳥雖蒙懷好音

白雲豈遂忘歸意終須墓謁林逋仙與便杯澆蘇小妓

周瞿 并序

兵鐵器也廣寸餘長可七寸形如鳥身具尾翅柄首兩面作兩目形土人初掘得之疑爲種花鍤據嚴氏定爲書顧命篇一人冕執瞿卽此以說文兩目爲眀卽瞿字省文而加佳爲瞿又有鳥疾顧狀或當然也南樵來乞詩

土中一片頑鐵器誰知乃出三代制宮廷倉卒備非常
階陛森嚴盛列衛當時用此奮搏擊迅疾有若鳥征厲
離離兩目實取象翩翩者佳可會意幸逃秦禁久未燬

與證漢說初無異符子得之珍且惜我爲摩挲忽嘆噉
君不見流俗紛紛皆世見至寶往往遭時棄宮戟多爲
刈葵用古鼎只教盛酒計瞿也於今何所施固應亦置
散閒地勿疑呼作種花鋪謹與深藏閉篋笥

東坡硯銘

東坡愛硯非一石平生譽硯如有癖涵星龍尾定何等
玉質金聲乃稱德此硯元豐壬戌年四十八字銘其側
黃州遷謫亦可憐烏臺推按幾莫測鶴之鶴之公出辱
眼眼相看活不得如何曾未厭世磨尙欲對此矜寵飾
銘詞頗亦類常語筆跡要自具神力當時只少一錢潤

此日却得千金直

胡琅圃比部偕其弟招同人集古歡室出所藏
國初宮僚酒器勸飲高小垞孝廉得新城王尙
書杯卽用秋柳詩韻賦詩寄示次答四首并簡

琅圃

花草丰姿玉骨魂鑄摩匠巧出多門卽看手澤留諸老

如向春明記夢痕槎上張騫

小長蘆杯

催合席甕頭畢卓

卽新

城杯勸沽村及時行樂休孤負此器猶存好細論

胡郎歸後鬢成霜家住臨河水繞塘泥飲客來常滿坐
舊藏器在爲傾箱當時酒戶推文正

湯文正杯最大

並代詩名

有二王

考功尚書

今日弟兄還雅集風流先世本宮坊

琅圃尊甫

學士公

高郎尙未著宮衣四十頭顱太息非待孝廉船吾望八
和尙書句子能稀清才肯爲前人讓健翮終看迅鳥飛
明歲慈恩當賜宴上林春色莫相違

十載南還自可憐蕪城春事又如煙坐深漸放詩懷淡
病久難憑酒力綿碧洗養花供盡日紅蕊瀹茗送餘年
聊書近事爲君報心在歸雲去鳥邊

再和四首

千里頻勞繫夢魂故園日日望柴門更無東閣新詩句

賸有西湖舊酒痕幾處傳杯懷伴侶何時歸棹返江村
因君投贈情無已更續殘篇一再論

白下烏飛天雨霜漁洋不是弔雷塘分明塔語郎當鐸
鄭重閨情壓繡箱亦似愁呼奈何帝可因悔嫁汝南王
爲翻一曲揚州幔傳與新聲女教坊

青衫特與換朝衣畫裏容顏可是非戴笠圖猶存彷彿
流觴事况記依稀高風在昔都堪想逸興於今得其飛
寄語武林諸友輩此間行樂亦無違

時雪舫同人脩禊
虹橋并出漁洋先

生小像
索題

無多老伴只堪憐往迹追思盡若煙令弟

謂萊
仲

獨能爲

慷慨故人常與託纏綿采蘭有約還三月送菊多情已
一年信是君家賢伯仲慰余終歲坐愁邊

謝棻仲惠茶

清明前采爲明前
穀雨前采爲雨前

近代所產茶吾浙甲諸省越溪與顧渚又未若龍井春
山萌早芽夜雨擢初穎明前最先采極貴稱上品烹與
水同色淡至若無茗雨前實當時舒卷槍旗并湯嫩可
一試小啜清而永鄙人自外出此味久不省遠寄賴友
朋時亦偶一領揚州非故土旅館閉孤靜正看穀雨花
幾日弄階影君意一胡厚初不待乞請夙聞中冷水不
減虎跑嶺已遣雙瓶致當得一甌飲渴懷因易慰塵慮

且須屏

龍泓居士自跋同游佛日寺詩刊本

內鴉墮巢
巢字誤樵

卽丁詩也刊板時未及校正丁後見之時閱已久故跋有板如在須改正語蓋甚倦倦於此也

佛日有勝境述始東坡游樊榭爲繼之諸老皆風流發興自北郭五人同一舟遂盡歷諸勝連日窮林邱歸作紀游記新詞互唱謳王瞿爲之書小楷秀且道何知百年內尙餘一誤留我見亦惆悵此老固自愁墮巢尙易補不比過鳥求焉得遂慰之了此一段酬

聖教序

聖教集王書無復王書妙懷仁非永師本未知逸少觀

其拾殘零頗似綴衲襖是以論書家宋元俱不道此刻
殆明本初拓最完好墨黯是真色筆媚餘古貌終當勝
楮書一染不可掃

褚聖教頗有習氣

和黃鶴樓詩

崔李不可作何人復此樓如聞玉笛弄令憶錦袍游渺
渺雲過渚蕭蕭月映洲惟應千載後猶是昔時秋

程韶庵字光月夜游焦山圖

焦山游自東坡來客有不到真慙哉平生我獨賦命嗇
屢被風引回蓬萊何期今日獲奇覽羨君一幅有好懷
巖屏滿眼互稠疊江濤過耳聞喧阗駭龍吐珠正出海

老鶴語夜猶藏崖此時松寥閣中客想見對月方徘徊
我亦因之欲飛去不須更待高帆開

返畫歌和冰署

李子失畫如失珠朝朝憶畫心不愉明珠有時得還浦
此畫何日飛回厨丁子拾畫如拾金亦似布路不動心
卷持急速送歸去却告主人莫費尋此誼今人蓋已少
固應李子作詩報我讀其詩感其事忽憶古人成一笑
君不見以碁賭畫喜得之以石易畫多費詞區區計較
竟何事彼此母乃猶一私

紀鳳陽縣獲印事

黃金爲之文曰地藏剎主金
印上鐫唐至德二年勅賜

誰歟剝主稱地藏幽冥之說殊渺茫此有金印紫赤光
其大徑可四寸方龍文壓紐鑄造良至德二年勅賜唐
近事初傳出鳳陽有漁獲得江之旁喧聞於縣始具詳
或有來告書寄將要乞作詩我感傷有唐奉佛廣選場
貞觀而後志益荒黃金不惜媚空王韓愈未出誰彈章
肅宗享國非久長無乃祈福反速殃此印正是金不祥
久晦忽見妖反常方今邪說未息狂大臣謀國初不臧
人心只合加慎防曷不仍投之滄浪務絕本根勿使彰
慎莫留置閉篋箱如此庶免衆惑惶敢告邑令民之望
謝茶仲惠蚊香卽答其苦熱行

蚊蚋生水巾子本微類

俗稱丁
倒生

誰使丁倒生得借翻

飛勢乘化一幸出遂爾逞毒噬豈無熏灼力驅禁可一
制所苦眼鼻間初不勝艾氣正思一炷效却荷兩束惠
於物雖已微所取在感意知君苦熱行亦此物此志

送夏曲

迎秋社
初集

赤燠肆怒欺白藏六月已盡七月將炎炎勢盛不可當
成都飛書告漢皇借得明光作洞房班姬轉喜恩寵長
紙扇不用怨昭陽淵明先生臥北堂夢醒只是汗流牀
欲出世外無逃方銀瓶手自汲寒漿冰瓜雪藕陳兩廂
起告赤帝醉一觴願請弭節回駕翔炎官熱屬無太忙

功成者退職有常送汝好去西郊傍祝罷若有微颺颺
晚聞浙瀝鳴梧篁

食瓜

迎秋社
二集

避暑深居啓洞房薦新瓜熟及時芳圓浮雪瓊稜稜碧
薄切霜刀片片涼冰齒頓教清入肺鎮心無復汗翻漿
却思粵海塵征苦此日誰分戰士嘗

詠茉莉花二首

三集

茉莉香聞滿院時小鬟報與晚來知娟娟日落涼邊放
細細風過靜裏吹古怨誰調湘楚曲秋芬只寫宋元詞
可憐生好多清質籬落屏帷兩未宜

梔子盆中分小朶，珠蘭架畔作繁枝。
爲多酷烈芬芳氣，反累幽清淡素姿。
薄蒔蕊宮初降後，遠流淨土乍來時。
惟應闌閣知憐汝，細浥冰泉貯雪瓷。

棗仲將重赴真州同人置酒小西園餞別有詩
亦作一首

聞君將別去，重又上真州。
爲戀西園席，猶停北郭舟。
月流清竚夜，風入袷衣秋。
共有新涼感，能無一老愁。

清江浦老鼉

黃河秋漲入浦急，浦上漁人打魚集。
狂風白浪忽大作，網得巨鼉長八尺。
載來揚州滿市看，非龜非鼉初不識。

仙壇白晝下真人告言已三百年物雖未成龍有精氣
數當度此第二厄其言誕妄不足詳其事聞之可感傷
余且之困豈料及過河而泣徒悔將神物遭此每不幸
體今汝亦非所防縮身局促益益內氣淒色慘無精光
齒牙雖利能啖食鱗甲已損多癩瘡安得便爲致雷雨
水高十丈汝飛去

楊菊裳

如浩

表弟自蜀來訪并投以詩

楊家有弟吾表親舅氏之後今幾人飄流分散多在蜀
獨子一到長安門當時數見情最密別後傳聞信不實
一官只說蠶叢苦萬里空看鳥道闊今年復作出蜀游

直從夔峽下荆州白浪衝帆溢浦夕青山移棹秣陵秋
途中賦得千詩美維舟還向邗城水訪我東關市上來
他鄉得遇衰顏慰八月正是新涼時留君且復共論詩
古來只有三蜀客君意似欲相追馳

中秋和菊裳

揚州作客首頻搔况是中秋興莫豪無月不堪吟水部
將詩何以勸功曹用昌黎中秋詩淮流帶雨三更急蜀道連山
萬點高兩地且休傷遠隔一杯姑爲酌清醪

菊裳以春星草堂稿乞詩

自聞歸蜀後新築草堂成灑水幾時卜春星取有名爲

詩今代少立志古人爭杜老雖難到波瀾使我驚

簡菊裳

六十知君興未闌昨猶向我話爲官手遮紅日長安近
身上青天蜀道難數反何曾厭辛苦此來獨肯念衰殘
黃花且莫催輕別尙及重陽要共看

閏八月二十八日公祀漁洋先生於桃花庵得

七律一首

先生初與歐蘇合祀爲三賢祠近以韓魏公公祀歐蘇而徙先生主於桃

花庵以專祀焉

先生生自明前代甲戌崇禎八月秋

是歲閏八月

誕日最難

逢閏歲

先生歿後百四十餘年爲第一閏以康熙庚申後皆改置也

遺祠獨有在揚

州桂枝已折爲初獻菊蕊宜加作庶羞却向桃花庵改
祀三賢不復合蘇歐

汪琴山 承德 秀才自清江浦過揚投以詩忽忽

別去約再見久待不至憶而成吟二首

漂母祠前落日哀袁公渡口長蒿萊淮陰不見王孫飯
河朔誰傳上客杯寂寞卽今空往跡沉淪如子亦清才
人間惟有相知樂要共傾懷得好開

兩篇投我有明珠肯念衰頽一病夫束帶待迎驚李賀
造門未見愧王符霜凋仙樹淮王宅水落寒潭召伯湖
期約不來相候久長吟苦憶豈能無

和常南陔

大淳

中丞浙闡監臨

明遠樓頭吹角聲至公堂上欲三更
風燈萬屋沉沉靜
月鏡中天皎皎清
學士煎茶餘
故事中丞覓句有閒情
風流五十年誰繼復覩新篇四首成

吾浙自阮文達公入闡監臨賦煎茶

詩後今五十年矣

九日和雪舫

卽看雁影度空來不聽猿聲嘯亦哀
木葉亂飛風打帽
河流未落水平杯憑高處處堪沾濕

河決豐沛賊陷永安把醉年

年只放頰此會重陽又孤負煩君好句起頻催

次韻篠雲論三賢祠合祀詩

并序

篠雲擬復文簡之祀余以韓亦不可廢矣不若以
雅雨盧公南城曾公合文簡別設一三賢祠似兩
無嫌耳

試數前王與後盧南城風雅亦相俱都將賓館曾通驛
共有民碑尙載途舊主卽今遷下院新祠只合傍明湖
平山堂後湖何當別作三賢祀免使旁人爲感吁

篠雲雪舫皆有利篇復作七言一首答之

綠楊郭外初留句桃花庵中今設主司李聲名自在人
當時未必爭祠宇後來遷革姑聽之一笑先生皆可許
與配前賢亦未慙便儕後輩何曾拒平山分占古今秋

但說能詩卽我儔
雨後黃花猶未盡
霜前紅樹已多稠
不須定待寒泉酌
且要同爲佳日游
二公作主吾作客
他年三老亦風流

送菊裳還蜀

燕臺經別後
邗上再逢初
昔去自難挽
今來仍不居
君身如一鳥
何日有雙魚
若道長相憶
休教不寄書

送趙心農

兆熙

廣文歸吳

聞說君將奉母旋
罷官昨日轉蕭然
此來本爲慈親屈
得去翻蒙大吏憐
饌裏魚肥平望市
懷中橘熟洞庭天
莫憂貧養無供給
好着兒衣笑舞前

先生有道近文章與我論交十載忘四海久同憐鑿齒
趙亦一官今獨惜榮陽別辭邗上應多友歸指婁東合
病尼近鄉他日寄書猶可達起居煩爲問高堂

再答篠雲雪舫

二百年間爭賭句濟南社散定誰主當時曾記拜祠門
想見山人好眉宇卽今爲客尙羈留幸賴此邦肯容許
滯絮何由泥不沾衰花豈是霜能拒坐看忽忽春復秋
諸老知我無侶儔不惜分牋破清暇時煩遣使致疊稠
名園未用尋水繪荒臺何必弔文游終當不使古人笑
我輩誰是第二流

又答兼懷同人

化工只不解造句要作江山花鳥主能鳴卽與假之鳴
但覺四時詩滿字孟郊本以詩鳴者頗荷韓老見推許
一身願化爲雲龍彼此相迎不相拒我儕亦是蟲號秋
有時還作鳥呼儔孤館旅人雖寂寞大邦英彥實廣稠
與少從來不若衆陶符李盡吾素游更須便往約高子
渠亦矯矯和不流

謝惠菘菜

菘菜知名久高人在昔聞如何晚秋味只換北山文我
正故園憶蒙君盈把分臨餐還自笑慙愧亦云云

前庭蠟梅盛開小童折一枝來爲余瓶供

蠟梅歲着花遲早小雪較前庭有一樹連日鵲來噪翻
翻墮枝爭策策啄蕊盜我雖不外出自有小童報今晨
爲折來掀簾入微笑天寒瓶水凍室暖窗日照色香近
愈真欲寫轉難貌貼復爲微吟愛此一枝拗

壬子

淮陰垂釣圖

鄮侯夜出自追逋漂母相憐一飯呼等是淮陰兩知己
何如常伴釣人徒

聞粵楚賊勢愈橫余病不能詩補錄辛亥五作

亦見其來有漸也

感事同用雷孩韻二首

南至儋瓊地接雷北連噶準部兼回河山萬國歸心後
日月中天 繼體來聞說潛龍降 眞主事同夾馬誕
神孩煌煌二百餘年業 太祖曾經手自開

一星墜地沸如雷逆氣西南久未回粵寇驅除曾盡否
楚兵騷動又傳來跳梁豈是氛難滅赤子多關 聖所
孩 宵旰焦勤知不細 天顏何日霽重開

重感事同用唐王韻三首

遙傳路絕走青唐烽火西南駭變常但道殺人如刈草

可知擒賊必先王

賊自號
太平王

大星慘淡前軍墜羣醜縱橫

猛噬狂淮楚雖云相隔遠忍聽哀雁過衡湘

大兵不肯進屠唐師律如何只守常翻使竄逃潛異地

豈因擒縱服蠻王鼎魚竟許還求息檻虎焉能不肆狂

莫道象州邊地僻若乘東下卽巴湘

外服猶知尊漢唐

南越尊漢
高麗尊唐

詎容小醜反天常馳驅共

許酬先帝肝膽都難奉

嗣王

林則徐李星沅周天
爵皆先帝舊臣

特召起用者林未至軍

沒李沒于軍周

召還

徐寡婦邪今豈熄王囊仙亂此

還狂已聞改將重征粵可要防兵更駐湘

時湖南
已撤兵

癸丑

多見詩卷二一
避兵北鄉書感三首

粵楚連兵歲已深蔓延六省迄於今西來諸隘虛防阻
北到新軍久駐臨四野陰雲同慘色一城礮火落驚心
不堪垂老經多難坐使書時感莫禁

逆氣方深勢未休亂離非獨是揚州已教盡國兵皆出
須得諸臣計好籌京口似聞增賊壘秣陵猶說阻官郵
一時消息都難據欲問頻頻只自愁

何處猶容著此身避兵潛出正逢春憎看燕子還尋壘
錯認桃花欲覓津悶去閒原聊倚杖悲來獨室只沾巾
太平待說旋鄉日預擬西溪作釣民

陳莊

陳莊來造主人廬二老殷勤款客俱掃室分居何意厚
摘蔬佐食正時需卽看庭院多閒適自有兒童解笑娛
本爲亂離因到此翻疑世在古唐虞

聞南京兵已奪還紫金山收復有日

聞報紫金山奪取居高已得下窺覘遙知賊膽驚先破
不復王師老久淹七十威名原有素將軍膽畧信能兼
羣公戮力能相助好合兵圍共聚殲

後湖

綠洋赤岸兩湖環一水通流繞曲灣茆屋幾家斜正向

漁舟終日去來還人間豺虎何須逼世外鷗鳧只自閒
此地若教容卜隱也思安穩結柴關

偶出

郊居習靜得安便偶出時逢四月天地僻路遙通小市
日長人半在中田秧苗得雨抽畦上麥氣蒸晴接隴連
正苦軍興愁少食慰懷猶喜是豐年

無愁

久寄湖陰苦悶淹忽欣霽日放晴檐花枝欲共愁顏破
鳥意如先喜色瞻少室逃時棲表聖南村避地隱陶潛
晉唐不是方今世更檢詩書靜下簾

南萬柳堂懷阮文達公

百年太傅手經營往跡多教繫感生文選樓空歸浩劫
嫋嬛館散渺仙瀛此堂獨賸標南斗萬柳同飄對北京
可惜來游時亦晚亂鴉殘照不勝情

望謝太傅祠

昔歸亂後此經途

謂海

謝傅祠堂暮日孤浩浩野風吹

古埭亭亭宵月出明湖若教曠代清游接令憶當年靜
鎮無今日揚州重避難不堪憑望益嗟吁

雨

五月連陰雨未收天時人願亦難酬農夫隴上應多喜

士卒軍中豈少愁安得飄飛沾耒鍤不教濡濕灑兜鍪
茅檐坐對溟濛裏憂樂相關兩莫由

觀刈麥插秧二首

大麥昨已收爲酒此所需小麥今又熟作餅得時俱刈
割不可緩及趁晴色初刀鎌散出野擔歸各還居明朝
枷板動四喧聞場廬我適避兵來轉得親農夫開門卽
見郊與話立斯須因問價幾何石可七百餘貨賤雖傷
農且喜食不虞還語慰父老今年當免租

郊居日與習始識農事苦今年幸有年十疇間一雨喜
知插秧水已足滿塘貯夜聞車聲動泚泚走傾注晨色

猶未上。蠶笠早來聚人各三十把。督課有常數。幾日罷
手畢。彌望綠成趣。井井各在列。剡剡多已舉。轉思秋獲
時。未知可留住。屈指賊當滅。不久欲辭去。

謝鄭荔薤

世亂不擇處。眠食常寡諧。是間少鄰接。村僻遠市街。我
居亦已苟。茆舍爲高齋。日餐未可廢。姑亦自抑裁。豆筮
旣須摘。瓜蔬復多栽。魚蝦尙易得。過此何求哉。君胡獨
見念饋問。以時借野塘。蓄花雖不惜。付烹煨。還聞致兼
味。庖肉當繼來。吾觀羗村詩。杜老值時乖。鄰人具酒食。
感激蒙相哀。一飽殊細事。厚意良可懷。

紀揚州賊事雜詩十首

邪說始由愚感倡黨徒爭附孰知非黃頭隊領皆長髮
赤足軍師自短衣偏少殺人容得活不多焚屋許相依
狂謀莫便施欺詐指與分明說破機

本無精甲號稱強妄以妖邪敢亂常擲去紙團能出火
咒將金刃莫爲傷人情以此懷多怯賊勢翻因得太狂
若使振軍嚴飭士終須不敵陣堂堂

初來羣賊意如何抄掠惟思任所過空室入搜金穴盡
連江出載米船多爲因北阻留營窟未及南還據守窩
賊初來揚擬擄掠卽去已載銀米多昨報大軍俱已集
船將還南京值大兵北來遂留據守

肯容人占任蹉跎

尙無寸地可容存妄事惟多足笑論改朔竟思頌歷志
諭民還擬授詩言濫封畫拜爲司馬僭號幾稱作至尊

開道未央私起造也勞蕭相不勝煩

賊丞相蕭朝桂

貪食惟將酒肉徵結盟概以弟兄稱得衣亂著如妖女
每飯持經似梵僧種實繁多徒自雜行同無賴竟何能
生龜生豹應非患獐鼠紛紛只可憎

更思一事竟何因毀佛還教侮聖人投溷不應重遇晉

登牀詎料再遭秦

賊盡壞諸佛像或投糞窖中文廟夫子像亦被毀

頑凶已極

誠無畏冥漠雖幽要有神顯戮久稽休自幸卽論陰殛

豈容身

不是羣甘賊伴連只遭迫脅受熬煎脫歸偶免生爲幸
役使難堪死可憐已遣築城同忍苦敢辭衝陣獨當先
賊驅城中民起築土城其壯者衝先打仗有逃歸者逃言如此聞言我爲酸心甚幾姓
身家得獲全

已令入據得先爭狡詐尤多善守攔穴地理籌坑馬陷
騰空飛石打人驚登陴擊鼓如兒戲列隊搖旗用女兵
敢倚危巢作安穩城頭時出笑揚聲

細作由來古有之卽今四出賊紛馳變裝易服爲縫女
逐隊潛身作販兒雜處行間誰復辨偵探機密盡先知

近聞連日多搜捕鬼蜮應難得再施

自春徂夏久遲留問卜還言待及秋憤意盡思雷擊斃
甘心欲共水淹休似聞昨夜神兵下未定何時鬼哭收
千古竹西歌吹地繁華從此弔荒邱

懷古

回首孤城事已休荒荒殘燼待誰收雷塘有恨埋冤骨
淮水無心過亂流謝傅祠堂猶百里曾破敵也史公墳墓亦
千秋能死節也蒼茫獨立空懷古日落悲風起暮愁

可慘

聞人慘說恩公死徧室戶橫亂似麻偏是微官知大義

肯將多命殉全家中宵黯淡聞嗚咽神鬼虛空動嘆嗟
毅魄貞魂同一盡留遺更不到呱哇

不屈

同時罵賊一人無只有錢生不屈汗魯國靈光存此郡
常山齒舌見真儒骨拋斷樹風鳴慘魂返空庭月弔孤
猶想亂刀爭斫處髮衝上指大聲呼

無愧

特科詔舉重朝端四字能全古所難名以孝廉猶可盡
品兼方正始稱完三人大節皆無愧

三人同舉孝廉方正阮被賊斫死俞

自縊死

羅餓死邗水他年定不刊更有明倫堂上士一時力共

折狂瀾